

BOSNA I HERCEGOVINA
CENTRALNA IZBORNA KOMISIJA
SREDIŠNJE IZBORNO POVJERENSTVO



БОСНА И ХЕРЦЕГОВИНА
ЦЕНТРАЛНА ИЗБОРНА КОМИСИЈА

INSTRUKCIJA
o provedbi člana 5.10, 5.11, 5.16 i 7.4 Izbornog zakona Bosne i Hercegovine

Sarajevo, juli 2010. godine

Na osnovu člana 2.9 stav (1) tačka 2., a u vezi s članom 5.10, 5.11, 5.16 i 7.4 Izbornog zakona Bosne i Hercegovine ("Službeni glasnik BiH", br. 23/01, 7/02, 9/02, 20/02, 25/02, 4/04, 20/04, 25/05, 52/05, 65/05, 77/05, 11/06, 24/06, 32/07, 33/08, 37/08 i 32/10), Centralna izborna komisija Bosne i Hercegovine je na 34. sjednici održanoj 22.07.2010.godine, donijela

INSTRUKCIJU

o provedbi člana 5.10, 5.11, 5.16 i 7.4 Izbornog zakona Bosne i Hercegovine

Član 1. **(Predmet)**

Ovom instrukcijom, u skladu sa zakonom utvrđuje se način osiguranja izborne šutnje, tajnosti glasanja i osiguranje reda na biračkom mjestu.

Član 2. **(Osiguranje reda, tajnosti glasanja i izborne šutnje)**

- (1) Birački odbor dužan je osigurati red i tajnost glasanja na biračkom mjestu.
- (2) Prije otvaranja biračkog mjesta, birački odbor će na vidnom mjestu ispred ulaza na biračko mjesto i na samom biračkom mjestu istaknuti obavijest o zabrani nošenja i pokazivanja oružja i opasnih predmeta.
- (3) Zabranjeno je biraču nošenje i pokazivanje oružja, unošenje i korištenje foto aparata, kamera, mobitela ili drugih sredstava kojima se može snimiti ili isporučiti zvučni, video ili tekstualni sadržaj na biračkom mjestu, od momenta preuzimanja glasačkog listića pa do napuštanja biračkog mjesta.

Član 3. **(Postupak sa sredstvima)**

- (1) Član biračkog odbora zadužen za identifikaciju birača, zatražit će od birača da sredstvo iz člana 2. stav (3) ove instrukcije, preda zajedno sa ličnim identifikacionim dokumentom, koje će birački odbor zadržati od trenutka kada je biraču predat glasački listić pa do završetka glasanja toga birača.
- (2) Sredstvo iz stava (1) ovog člana, biraču će biti vraćeno nakon završenog glasanja, zajedno sa njegovim ličnim identifikacionim dokumentom.
- (3) U slučaju da birač ne postupi na način propisan stavom (1) ovog člana, kao i u slučaju da birač sredstvo iz člana 2. stav (3) ove instrukcije upotrijebi tokom boravka na biračkom mjestu ili u vrijeme glasanja, obaveza je biračkog odbora da to unese u zapisnik o radu biračkog odbora uz navođenje ličnih identifikacionih podataka o biraču, kao i precizan opis načina korištenja sredstva iz člana 2. stav (3) ove Instrukcije.

Član 4.
(Informacija o upotrebi sredstava)

Ako postoji osnovana sumnja da je zbog upotrebe sredstva iz člana 2. stav (3) ove Instrukcije, na jednom ili više biračkih mjesta, došlo do povrede izbornog prava, koje može uticati na regularnost izbora ili dovesti do izborne prevare, nadležna izborna komisija obavezna je dokaze o tome pribaviti od biračkog odbora i cjelovitu informaciju dostaviti Centralnoj izbornoj komisiji Bosne i Hercegovine odmah, a najkasnije uz dostavu izbornog materijala o rezultatima izbora.

Član 5.
(Prilog uz instrukciju)

Sastavni dio ove instrukcije je obavijest sa vizuelnim rješenjem o zabrani korištenja sredstava iz člana 2. stav (3) ove instrukcije.

Član 6.
(Stupanje na snagu i objava u službenim glasilima)

Ova instrukcija stupa na snagu narednog dana od dana objavljivanja u “Službenom glasniku BiH”, “Službenim novinama F BiH”, “Službenom glasniku RS”, “Službenom glasniku Brčko Distrikta BiH” i web stranici Centralne izborne komisije Bosne i Hercegovine www.izbori.ba.

Broj:05-1-02-2-3302/10
Sarajevo, 22.07.2010. godine

Predsjednica
Irena Hadžiabdić



Zabranjeno nošenje i pokazivanje!



Zabranjena upotreba!



Zabranjena upotreba!



Zabranjena upotreba!



Zabranjena upotreba!